

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՎԱԳԱՆԻ**

«----»----- 2016թ.

N----- -Ա

ՈՐՈՇՈՒՄ

**ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ
ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ**

Ղեկավարվելով Հայաստանի Հանրապետության հողային օրենսգրքի 71-րդ հոդվածի 1-ին և 3-րդ մասերով, Հայաստանի Հանրապետության կառավարության 2001 թվականի ապրիլի 12-ի հ.286 որոշմամբ հաստատված կարգի 32-րդ կետով և հիմք ընդունելով Երևան քաղաքի ավագանու 2015 թվականի դեկտեմբերի 23-ի հ.451-Ն որոշումը՝

Երևան քաղաքի ավագանին որոշում է.

1. Տալ համաձայնություն՝ Արարական Միացյալ Էմիրությունների դեսպանությանը սեփականության իրավունքով պատկանող (անշարժ գույքի նկատմամբ իրավունքների պետական գրանցման հ.01032016-01-0101 վկայական), տարածագնահատման 4-րդ գոտում գտնվող Ազատության պողոտա հ.1/16 հասցեում գտնվող 1840.66 քմ մակերեսով հողամասից 217.87 քմ /187.65 քմ+30.22 քմ/ մակերեսով հատվածը հարակից տարածքում գտնվող Երևան համայնքի սեփականությունը հանդիսացող տարածագնահատման 4-րդ գոտում գտնվող 217.87քմ /194.67 քմ+23.2 քմ/ մակերեսով համարժեք հողամասի հետ փոխանակելուն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք - Հ Ի Մ Ն Ա Վ Ո Ր ՈՒ Մ

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ»
ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԱՆՀՐԱԺԵՇՏՈՒԹՅԱՆ ՄԱՍԻՆ**

Քննարկվող նախագծով նախատեսվում է Ազատության պողոտա **հ.1/16** հասցեում սեփականության իրավունքով Արաբական Միացյալ Էմիրությունների դեսպանությանը պատկանող **1840.66** քմ մակերեսով հողամասից **217.87** քմ /**187.65** քմ+**30.22** քմ/ մակերեսով հատվածը փոխանակել հարակից տարածքում գտնվող Երևան համայնքի սեփականությունը հանդիսացող **217.87** քմ /**194.67** քմ+**23.2** քմ/ մակերեսով համարժեք հողամասի հետ:

Որոշման ընդունման անհրաժեշտությունը պայմանավորված է այն հանգամանքով, որ Արաբական Միացյալ Էմիրությունների դեսպանությանը սեփականության իրավունքով պատկանող հողամասի մի հատվածը փաստացի օգտագործվում է որպես ճանապարհ, իսկ հարակից հատվածում գտնվող համայնքային սեփականություն հանդիսացող հողամասն օգտագործվում է դեսպանատան կողմից, ինչը խոչընդոտ է հանդիսացել թաղամասի բնականոն զարգացման համար և անհնարին է դարձրել տվյալ հատվածի արդյունավետ օգտագործումը: Արաբական Միացյալ Էմիրությունների դեսպանության հետ իրականացված բանակցությունների արդյունքում՝ նպատակահարմար է գտնվել առաջարկելու կատարել անմիջապես կից գտնվող հողամասի հետ փոխանակում, որը թույլ կտա կազմակերպել տարածքի արդյունավետ օգտագործումը և ստեղծել քաղաքաշինական առումով առավել կանոնակարգված հատված:

Փոխանակվող հողամասերը ընդգրկված չեն ՀՀ հողային օրենսգրքի օրենսգրքի **60**-րդ հոդվածով սահմանված հողամասերի կազմում և գտնվում են Երևան քաղաքի հողերի տարածազնահատման **4**-րդ գոտում:

Համաձայն Հայաստանի Հանրապետության հողային օրենսգրքի **71**-րդ հոդվածի **1**-ին և **3**-րդ մասերի և Հայաստանի Հանրապետության կառավարության **2001**թ. ապրիլի **12**-ի **հ.286** որոշմամբ հաստատված կարգի **32**-րդ կետի՝ համայնքի վարչական սահմաններում, համայնքի սեփականությունը հանդիսացող հողամասերը փոխանակվում են համայնքի ավագանու համաձայնությամբ՝ համայնքի ղեկավարի որոշման հիման վրա:

Ելնելով վերոգրյալից անհրաժեշտություն է առաջացել կայացնելու ավագանու համապատասխան որոշում:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ԿԱՄ ԲԱՑԱԿԱՅՈՒԹՅԱՆ ՄԱՍԻՆ

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման առնչությամբ այլ իրավական ակտերում փոփոխություն կատարելու անհրաժեշտություն չկա:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

Տ Ե Ղ Ե Կ Ա Ն Ք

**«ՀՈՂԱՄԱՍԵՐԻ ՓՈԽԱՆԱԿՈՒԹՅԱՆԸ ՀԱՄԱՁԱՅՆՈՒԹՅՈՒՆ ՏԱԼՈՒ ՄԱՍԻՆ» ԵՐԵՎԱՆ ՔԱՂԱՔԻ
ԱՎԱԳԱՆՈՒ ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵԻ
ԵԿԱՄՈՒՏՆԵՐՈՒՄ ԵՎ ԾԱԽՍԵՐՈՒՄ ՍՊԱՍՎԵԼԻՔ ՓՈՓՈԽՈՒԹՅՈՒՆՆԵՐԻ ՄԱՍԻՆ**

Երևան քաղաքի ավագանու «Հողամասերի փոխանակությանը համաձայնություն տալու մասին» որոշման նախագծի ընդունման կապակցությամբ Երևանի բյուջեում չի նախատեսվում եկամուտների և ծախսերի փոփոխություն:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ